

中國方志叢書·華中地方·第九一號

據

清·張廷珩等修，華祝三等纂
清同治十二年刊本

影印

江西省

鉛山縣志

(四)

成文出版社有限公司印行

鉛山縣志卷十六

文苑

明

費懋謙字民益少保文通公子折節讀書性喜吟詠以蔭
入爲御史臺都事鄉人楊懋功祠部郢中陳玉叔大理
時俱以詩名燕山懋謙間就爲社會已爲南左相參軍
青溪之社懋謙實首倡之又從相府第構籌筆軒客星
榼煮茗焚香山人墨客延接無虛日聞有玉山人善寫
梅卽從作梅金陵陳子野工墨竹卽從作墨竹晉江黃
孔昭工山水卽爲山水皆得其意

河上楮談

賈煒之字文儒曾祖璵在宦業志慷慨有大節文名藉甚
築室江湄在橫林之陽壺觴笑傲足不入城府與江汝
璧處揚屹風雅樵論古今見賞於王宗沐督學稱其修
能英辨足辦天下事屢困諸生去遊太學晚拜典客數
月而歸所著作俱佚

前志

賈元祿字無學南太僕卿堯年之子賈爲故相家祿又貴
公子折節讀書爲詩歌落筆數千言義蘊風生尤傾慕
賢士大夫如恐不及刻甲秀園集侑以好賄問遺海內
名士輪蹄舟楫交錯吳會閩楚間史稱鄭莊置驛殆無
以過屠長卿報詩云相思累寄薜蘿草見面難於優鉢

國朝

花其推重如此

列朝詩集小傳

張時泰字開中號遲水孝友性成博洽素著生平耿介不務虛名時設帳蕪湖書院負笈從遊者甚眾教人先德行後文藝嘗爲侯廣成郭天門二先生所心契稱許不已七八棘闈不售順治間以明經司訓饒州勤月課與弟子講學不倦貧者並贈以資復捐俸修黌宮凡厯三任饒人仰之載其事於志乘康熙初遷隴西丞解組歸貧益甚處之泊如也所訂蕪湖講畧辨字學彙註聲音諸深榘堂何書解行世癸丑歲邑侯徐公友貞延秉修

志
珞美附梓惜敘
兵詩文亦散佚
志王

程燦字秉南號清湖生有夙慧九歲應童子試有聲年十

入補弟子員第一與蔣太史同見稱於金學使檜門嗣
是試輒冠軍肄業豫章書院與謝翰林啟昆熊進士中
砥相唱和族父少宰巖常以大器期之省試七薦卒不
遇爲人謙和若不勝衣者見人善下之聞人過弗敢言
然遇親故意所不可輒引繩批根無少屈詩文不自收
拾多散佚年四十二卒太史蔣士銓輓詩云君有修文
筆誰操短命權又云門材程氏盛獨爾竟如斯其惋惜
者深矣道光七年以子緒曾官知縣

諸贈文林郎王

蔣世義太學生弱冠有文名嘗讀書鷺湖書院掌教張位

清許爲遠到器然卒困於場屋養親訓子以終

王志

劉祖年字緒存號存存老人乾隆十六年恩貢生敬已

率物人謂有漢太邛長遺風性嗜學務遠到經史性理

而外博覽羣書所爲詩古文及制藝駸駸登作者之堂

書法亦工秀司文衡者莫不稱爲通才邑令鄭東里贈

以額曰經明行修屢薦不售截取教諭未仕而卒

輯王
志

拱鈞字寓和廩貢生事寡母以孝謹聞年十三通五經史

記性理諸書作文才思駿發如天馬行空弱冠入郡庠

施食餼撫本術籍獨運力憊不支鈞乃獨力捐數千金辦公更立公產濟漕族賴以安有告以急者罔不如願以去隨漕北上貢入太學肄業率性堂都中名下士皆推重與訂交試北闈會與江右丙子科題同由是江右卷概不錄鈞坦然絕無不平語卒年五十六著有倩

芸亭詩草行世

王志

傅洪字禹定號警川乾隆庚辰副貢積學安貧授崇仁縣教諭課諸生口講指畫朝夕不倦卒於官年六十五子哀慕之輓詩有兩月春風驚鶴去萬山桃李爲誰開

之句

王志

高爲孝字上魯號省齋太守爲阜從弟乾隆癸酉拔貢資
性穎異識量宏遠博覽諸書文宗大家試必拔前茅肄
業豫章一時知名士咸推重之兩爲鵲湖書院長以端
品崇實爲先遊其門者亦多能以品節自勵不獨登科
之士遠近聯翩鵲起云

輯王
志

張舟號廉船紹興仲子敏而好學偶儻有逸才詩古文辭
首見稱於同邑蔣太史與程秀才蘅湖名相埒甌北詩
鈔亦多舟手所批點畢秋帆制府本其父所取士傾倒
於舟者尤深卒未肯憑其地望求進一階其廉介又如
此所著有鵬南集兵燹後無從撫拾惟前志採錄數詩

取
志

蔣知節字冬生號秋竹士銓次子弱冠入邑庠同邑編修
張紹渠美其才以女妻之乾隆己亥舉於鄉公車北上
名益盛鄉先達曹尙書秀先熊尙書枚見其制藝皆許
爲必擢高第顧屢試皆以額滿見擯得學博又非其素
志於是短衣匹馬從縉侍郎度紫荊關沿大同出塞閱
諸部兵酒酣耳熱馳騁較獵以吐其抑塞磊落之氣福
貝子經略黔楚延入戎幕治軍書勞勩甚著而未嘗求
進一階旋聞長兄知廉卒於山東臨清州州同任三弟
知讓病廢於直隸唐縣任念母張安人年高未可缺奉

侍乃辭歸先後主安徽紫陽揚州廣陵兩書院藉脩脯以供甘旨未幾張安人壽終知節以憂瘁亦卒年五十一有九知節多才藝聲望甚高著有冬生詩鈔所至名公卿皆折節下之主講席時兩江制軍百齡推其文宗先正詩守家法而惜其困於時命未能大展其才益紀實也子四立方立民立武立松孫十三人以四孫志章官

贈資政大夫

張志

張騷林字西其嘉慶元年歲貢生性靈敏總角投四子書卽畧解大書十二齡周五經性理諸書作文洋洋灑灑迥殊凡庸稍冠鄉第予員旒食餼益肆力於經史牢籠

百歲登爲詩古文清新奇逸從遊者日眾先是應童試
時劉尹承業見其文擊節曰此雋才也拔冠軍劉精衡
鑑所取士如程紫葉尙璉劉光閣輩皆先後膺鄉薦林
獨以明經終遇合固有不可知者

王志

程煥字體和號素園家縣城淵涵靜穆七歲就塾歸羣季
皆跳擲好弄獨端坐約諸兒作授業狀叔父廷極見而
奇之曰此子異日宏樂育矣及爲文思沉力厚不艷時
趨邑侯劉公承業奇賞之決其不以諸生終拔第一補
郡庠有聲戊子舉於鄉辛丑大挑以教職用借補新建
訓導率諸生以力行爲本課藝盡斥浮靡一歸雅正南

郡士咸師事焉倡營學宮修高士橋捐廉葺節孝祠諸

德政詳載新建邑乘

舊志

張家楷字魯直號式廬敏慧夙成英年博學甫成章卽見
賞於學使錄古入泮旋食餽體素羸弱因攻苦得嘔血
症人或勸以少休而立志愈堅且猶負笈名山尋名師
益友講貫切磋邑之稱湖省之豫章南康之白鹿皆嘗
肄業山長顧古猷彭石芝見其篤志大器之謂人曰張
生非僅章句士也生平最潛心於春秋左氏凡杜林滙
叅經世文選等書口吟手披輯錄成編詳審該洽具徵
心得性諳羣內衍允篤十三失侍事繼母以孝敬三十

失情待諸弟以友愛學粹品端里黨矜式乃入秋闈者
五膺薦者三本不獲售鬱鬱家居齋志以歿人皆惜

之

玉志

彭若臨字靜菡懷遠都廩生好學嗜古著有粒粟園詩
抄八卷詩餘詞餘各一卷年四十貢志沒

輯前志

龔肅字克敬號無我北關人副貢生有文名爲諸生時學
使趙鹿泉先生亟賞其文刻於試牘初由廩生捐貢加
捐訓導先後署鼎義靖安兩學篆諸生咸欽服焉邑中
英雋亦多出其門著有留心集四六名章雋句自關町
畦卒年七十餘道光甲申孫元勲捐其遺產田租十担

爲羣賢堂祀田

王

鍾謙字牧行嘉慶十九年歲貢性嗜學博涉羣書旁及岐黃堪輿無不賅貫邑令陶聘修志事爲舉孝廉方正辭

不受

輯前志

曾秀挺字麓雲號古厓家固貧養親必求得其歡心九歲就外傳日誦千言默識無遺年二十補邑庠食飭後兩薦不售試優入選復不與病益甚卒年四十餘挺爲人倜儻有氣概嗜學好客嘗寄張隅竹詩云偶賒村酒因留客頻典春衣爲貴書著觀我集二卷多有得於白陸

兩家

王

祝補諱字普欽性沉默不妄與人周旋人亦罕識之弱冠補弟子員旋食餼潛心於六經者二十餘年尤邃於易

隱居授徒以明經終

王志

劉光瑜字元甫號梅圃乾隆癸卯舉人嗜經史耽吟詠勤奉先儒格言家居課子授徒三十餘年每出一題必有剏解遊其門者故多知名士布衣麤食處之晏然居雖近城非公事未嘗見邑宰人謂有澹臺氏之風著有梅圃吟草道光甲申選金谿教諭未仕卒

輯王志

秦蓉瑞字鏡仙號自芸陽村人邑廩生幼聰慧樂志詩書蔣太史士銓見而器之年十六遊泮家故不豐父歿後

債負纍纍客瑞齋以償不帶欠而自甘菽水有第一
爲繼母鍾愛蓉瑞待之益厚聚居四十餘年怡怡如也
其文以古者爲宗不趨時尚尤長於詩賦家中子姪及
受業生徒務以實學相勉勵疊疊不倦乾隆庚申

聖駕南巡

召試不遇歸即退居北溪塢築小室顏其堂曰自有樂處枕
經牀史喃喃誦自怡暇則讀書農圃足跡不履城市者二
十年後子應龍棄文就武中鄉科時蓉瑞猶及見之然
非其所樂也所著有自蒞山房詩集惜燬於兵燹新

鄭履仁字養訓號靜山驚湖麓人有文名早歲遊庠年方

始以高等食餼而志願篤文日益工至嘉慶乙亥年
七十一矣學使王文恪公鼎按臨信郡得卷奇賞之拔
置一等詳其文用息熊劉書法神似歐柳獎賞時並給
以績學延齡匾額吳中翰嵩梁時掌教鵝湖贈以年越
古椿文益健士仰知已志愈昂聯語都人士豔其事徵
詩爲賀閱二年貢成均舉鄉飲正賓壽八十四卒子一
國學生孫四皆遊庠

新
增

李照梅字永如號晴村港東楓林人父之品在儒林傳照
梅幼聰穎習聞庭訓於學無所不窺比遊庠食餼才名
藉甚嘉慶己卯領鄉薦再試春官不第遂絕意計偕隱